



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-399-7/18
Sarajevo, 29.10.2018. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“, broj 39/14) i člana 34. Pravilnika o javnim nabavkama Tužilaštva/Tužiteljstva BiH broj: A-97/17 od 25.05.2017. godine v.d. glavnog tužioca Tužilaštva-Tužiteljstva BiH d o n o s i

O D L U K U O
PONIŠTENJU POSTUPKA JAVNE NABAVKE

Član 1.
(Predmet odluke)

Poništava se postupak javne nabavke novog putničkog motornog vozila za potrebe Tužilaštva-Tužiteljstva BiH.

Član 2.
(Razlog poništenja)

Postupak se poništava, jer nije dostavljena niti jedna ponuda koja u potpunosti ispunjava uslove za nabavku predmetnih roba.

Član 3.
(Stupanje na snagu)

Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem konkurentskog postupka. Obavještenje o nabavci objavljeno je na portalu javnih nabavki: <https://www.ejn.gov.ba/>, broj obavještenja: 435-7-1-865-3-30/18 od 12.10.2018. godine. Primljena je jedna ponuda ponuđača Hyundai Auto BH d.o.o. Sarajevo po cijeni od 20.790,90 KM sa uključenim PDV-om i popustom.

U pogledu tačke 3.1.3. b Konkurentskog zahtjeva, članovi Komisije su ustanovili da ponuđač nije dostavio original niti ovjerenu kopiju potvrde izdatu od strane Kupca robe, već je umjesto toga dostavio ugovor o nabavci robe što nije u skladu sa Konkurentskim zahtjevom.

U pogledu tačke 4.1. I Konkurentskog zahtjeva članovi Komisije su utvrdili da ponuđač nije dostavio opis sadržaja redovnog servisa, nego samo naveo redne brojeve servisa bez opisa njihovog sadržaja.

Vezano za tehničke karakteristike traženog vozila, a suprotno zahtjevima Tehničke specifikacije za nabavku novog putničkog motornog vozila, članovi Komisije su utvrdili da ponuđač nije naveo vrstu vozila i oblik karoserije, kao ni godinu proizvodnje vozila, niti pređene kilometre, odnosno činjenicu da li se radi o novom vozilu. Također, ponuđač nije naveo da li su čelične felge iz njegove ponude sa naplacima, niti je u sadržaju njegove ponude naveo set za krpjenje guma (kompresor i posebna

bočica sa ljepljivom sa vijekom trajanja do pet godina). U ponudi su ponuđeni prednji električni podizači stakala.

S obzirom na navedeno, članovi Komisije su konstatovali da ponuda ponuđača Hyundai Auto BH d.o.o. Sarajevo nije prihvatljiva i uputili preporuku v.d. glavnog tužioca Tužilaštva-Tužiteljstva BiH za poništenje predmetnog postupka, a u skladu sa članom 69. stav (2) tačka d) Zakona o javnim nabavkama („Službeni glasnik BiH, broj: 39/14“).

Obzirom na navedeno odlučeno je kao u dispozitivu ove odluke.

POUKA O PRAVNOM LIJEKU: Žalba se izjavljuje Uredu za razmatranje žalbi Bosne i Hercegovine putem Tužilaštva-Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

Dostavljeno:

- Ponuđaču,
- Odjelu za materijalno-finansijske poslove.

